

**Aningaasarsianit akileraarutit pillugit Inatsisartut inatsisaata allanngortinneqarneranik
inatsisartut inatsisaattut siunnersuut**

Saqquummiusinermi oqaaseqaatit
(Aningaasaqarnermut Naalakkersuisoq)

Siullermeerutaasumik sularineqarnera

Naalakkersuisut sinnerlugin aningaasarsianit akileraarutit pillugit Inatsisartut inatsisaata allanngortinneqarnissaanik siunnersuut saqqummiutissavara.

Inatsisisamut siunnersuut ingerlaavartumik nutarterinermut inuiaqtigiiñnilu ineriaitornermut naapertuuttumik akileraartarnermi malittarisassanik naleqqussaanermut ilaavoq. Siunnersuut allannguutissatut siunnersuutinik arlaqartunik imaqarpoq, taamaammallu ingasappallaassaaq siunnersummik saqqummiussinermut atatillugu tamaasa erseqqinnerusumik eqqartussagukkit. Taarsiullugu siunnersuutit pingarnerit samminissaat toqqarsimavara siunnersuutilu sinnerinut tunngatillugu inatsisisatut siunnersuut nassuaatitaalu innersuussutigalugit.

Piffissap ingerlanerani misissueqqarnissamut, misissueqqissaarnissamut imaluunniit aatsitassat iluaqutiginiarnissaannut akuersissutinik piginneqataassutsit nalikillilertarnerannut tunngavissatut nalikillilerinermut malittarisassat atuuttuusut naammattumik erseqqissuseqarnersut oqalliserineqarsimavoq. Apeqqutip tamatuma suliffeqarfinnut peqataasunut aningaasatigut annertuumik sunniuteqarsinnaammat, Naalakkersuisut aalajangersimapput apeqqut tamanna aningaasarsianit akileraarutit pillugit inatsisip allanngortinneratigut iluarsiiviginiarlugu. Allannguinermut atatillugu aamma nalikilliliinerit ukiut tamaasa angeqqatigiikkutaartumik pisarnissaat siunnerfigineqarluni, tassalu aalajangeriikkamik nalikillilerineq atorneqalersillugu. Taamatut nutaaliorneq ilaatigut akuersisummik piginneqataassutsip aningaasatigut nalingata nalikillilerinerillu naam-maginartumik ataqtigiiuntuunissaannik kissaateqarneq qulakkeerniarneqarpoq. Taamatullu aamma suliffeqarfifiit aatsitassalerinermit suliaqartuusut suliffeqarfinnit allanit allaanerussutigalugu akileraartarnermut atatillugu killeqanngitsumik amigartoorteqarsinnaanermut, tamatumani aamma akileraartarnermut atatillugu nalikkillerinikkut pinngortunik, periarfissaqarnerat sunniuteqarsimalluni. Uanga isumaga malillugu ataatsimut

isigalugu tulluartumik oqimaaqatigiissitsisumillu suliffeqarfiiit pissutsit atugarisaat naammaginartumik eqqarsaatigalugit aaqqiinerusoq.

Inatsisisstatut siunnersuutip aamma akileraartarnermut tunngasunik apeqquutit, aatsitas-sarsiornermi misissueqqarnissamut misissueqqissaarnissamulluunniit akuersissutinik pigisaqartut Kalaallit Nunaanni killilimmik akileraartussaatitaanermit ingerlatseqatigiiffinnut tamakkiisumik akileraartussaatitaasunut allangortinneqarneranni pinngorsinnaasut, aaqqiiviginiaarsarai. Naalakkersuisut isumaqarput, Kalaallit Nunaata aningaasaqarnerata ineriartortinnissaanut qetiusumik pingaaruteqartoq, nunami allamiunit ilaatigut soorlu aatsitassalerinermi aningaasaliisinnaasut ussassaarneqarnissaat. Taamatut ineriartornermut akileraartarnikkut pisariaqanngitsumik akornutaasunik pilersitsisussanik malittarisassaliunnginnissaq pingaartuuvoq. Taamaammat siunnersuutigineqarpoq aatsitassarsiornermi suliffeqarfiiit killilimmik akileraartussaatitaasut allangortinneqartillugit imaluunniit tunineqartillugit suliffeqarfiiup akileraartarnermut tunngatillugu inissisimanera ingerlateqqinnejarsinnaassasoq. Ingerlateqqiisinnaanerup kinguneraa ingerlatseqatigiiffik suliffeqarfiiup killilimmik akileraartussaatitaasup ingerlataanik ingerlatseqqittusoq ingerlatseqatigiiffiup akileraarutaasussanik isertitaanit sinneqartoorutaasunit akileraartarnermi amigartoorutit suliffeqarfiiup killilimmik akileraartussaatitaasup ingerlatsinerani pinngorsimasut ilanngaatigissallugit periarfissaqarnera. Tamatumuuna suliffeqarfiiit aatsitassarsiornermik ingerlataqartuusut siunertarineqanngitsumik aningaasatigut annaasaqarnissaat pinngitsoortinnejassaaq.

Ingerlatseqatigiiffiit atortussiassanik ujarlernermi misissueqqissaarnissamut akuersissummik pigisaqartut pisartussalluunniit amerlasuut ingerlatseqatigiiffinnik annerusunik aningaasarissaarnerusunillu suleqateqarnissamik pisariaqartitsissapput. Nutaanik allanik suleqatissarsisarneq akuersissummik pigisaqartup akuersissutip ilaanik suleqatigilikamut tunisaqarneratigut pigajuttarpoq. Tusisaqtumulli aningaasanik tunniussinermut taarsiullugu nutaamik suleqatigiligaq, misissuinerup ingerlaqqinnissaanut atasunik assigiinngitsutigut aningaasaartuutinik akiliisussanngortarpoq. Oliesiornermi taamatut periuseqartarneq naluneqanngilaq taaneqartarluni “farm out”. Taamatut tunisaqarneq pisisup tunisisumut aningaasanik tunniussineratuulli akileraarutaasussaavoq. Taamatut pisoqarnerani akileraarusiineq, tunisisup suliamik ingerlatami suli isertitaqannginnerani, tunisisup aningaasaqarniarneranut nanertuutaassaaq. Pissutsit maanna atuuttuusut tunngavigalugit inuiaqatigiit soqtigisarilluinnaarpaat iluaqtigineqarsinnaasunik tassalu

aninggaasarsiorfiusussanik pigisat nassaarineqarnissaat siunertalarugu Kalaallit Nunaanni sukumiisumik misissueeqqaernerit misissueqqissaarnerillu piviusunngortinnissaannut pisariaqartut qulakteernissaat. “Farm out”-imut atatillugu maannakkut akileraaruserinerimi suliarinnittarnerup ingerlatseqatigiiffit atortussiassanik Kalaallit Nunaata ataani qinerlernissamut kajumissuseqarnerat annikillisinneqarnissaa pinngitsoortinniarlugu siunnersuutigineqarpoq akileraartarnermi malittarisassat eqaannerusunngortinneqassasut. Siunnersuutip nassataraa, taamatut pisoqartillugu isertitat aningaasartuutilu piffissamut ataatsimut atasuutinnejarnissaat. Allannguut pingaartumik ingerlatseqatigiiffinnut minnerusunut akunnattumillu angissuseqartunut, atortussiassanik Kalaallit Nunaata ataani ujaasisunut, iluaqutaassaaq.

Malittarisassat atuuttuusut malillugit inunniq akileraarusersuineremi isertitat 26 procentii ataatalaarlugit nunap karsianut 74 procentillu missigisaat kommuninut agguaneqartussaapput. Ukiuni aggersuni nunanit allamiut annertoorujussuarmik Kalaallit Nunaanni aningaasaliissuteqartarnissaat pisinnaavoq, assersuutigalugu Alcoa-mik ingerlatamut atatillugu. Aningaasaliinerit iluliornermut, meeqleriviliornermut il.il. nunap karsianut aningaasartuutit annertuumik amerleriarnerannik kinguneqarsinnaapput. Taamaammat nunap karsiata isertitaasa amerleriarnissaat qulakkiissallugu pisariaqarpoq. Naalakkersuisut isumaqarput nunami allamiunit sulisunit, Alcoa-mik ingerlataasinnaasumut atatillugu imaluunniit atortussiassalerinerimi ingerlatanit avataanit takkuttussanit, akileraarutitigut isertitat tamarmik nunap karsianut isertillugit nunap karsiata isertitaasa amerleriarnissaannut periarfissaq pitsaanerpaaajussasoq. Tamatunuuna nunap karsia ukiuni aggersuni ineriartortitsinissamut aningaasatigut tunngavissaqalissaq patajaannerusumik.

Nunap karsiata annertunerusumik isertitanit pisassarisai Namminersorlutik Oqartussat suliffeqarfinut iluaqtissanngorsinnaassanngillat, aammali ukiumoortumik ataatsimoortumik tapiissutit pillugit isumaqatigiinniarnerni tunngavissanut ilaassallutik. Nunap karsiata aningaasarliornerata ilaatigut aningaasaat qanoq amerlatigisut atatsimoortumik tapiissutinik inuqatigiinniarnikkut agguanneqarsinnaanerat sunniuteqarfigisussaassavaa.

Aaqqiinissap siunnersuutigineqartup pitsaaqutigaa kommunit maannakkut akileraarutitigut isertitaannut killilerujussuarmik sunniuteqarfiginnittussaanera. Peqatigitillugulu kommunit kommunini suliffissaqartitsiniarnermut inuussutissanullu tunngasumik politikkimik ineriartortitsinermut soqtiginninnerat piginneqassalluni, sumiiffimmi sulisunit

akileraarutitigut isertitat agguanneqartarnerat maannamutut ingerlaannartussaammat. Allatut oqaatigalugu kommunit akileraarutitigut iseritaat qaffassapput kommunimi innuttaasut inuussutissarsiummik namminersortutut ingerlatsisut akissarsiaqartulluunniit amerlaruleriartillugit. Siunnersuutip tamanna allanngortinngilaa.

Matumani saqqummiussinermut atatillugu eqqartorniagara kingulleq tassa sulisut avataanit takkuttut ilaannut tamakkiisumik akileraartitsinermik eqqussineq. Nalunngilara siunnersummut tassunga ajorinnittut amerlasuut. Erseqqissaatigilertulaarlari siunnersuut sumi inungorsimanermik aallaaveqarnermik assigisaanilluunniit eqqusseqqinniarnerunngimmat. Naalakkersuisut Kalaallit Nunaanni innuttaasut aatsitassalerineremi il.il. sulilersinnaanerat ajornarnerusunngortinnianngilluinnarpaat kalaallilluunniit suliffeqafiisa nunami allamiut suliffeqarfiinut unammillersinnaanerat annikinnerulersinniarnagu. Akerlianilli Naalakkersuisut siunertaraat inuttaasut sapinggisamik peqataafffigisaminnik angusaqaataasumillu imminnut pilersortuunissaat, taamatullu aamma neriulluta kalaallit suliffeqarfiutaat unammilligassat nutaat ornitatta nammassiniarnerinut peqataalluarumaartut.

Sulisunut nunami allamiunut illoqarfifit nunaqarfiillu avataanni sanaartornermik imaluunniit atortussiassalerineremi sulisussanik tamakkiisumik akileraartitsinissamik siunnersuut, tamakkua tungaasigut akileraaruserineremi allaffissornikkut suliaqarnerup piariillisarnissaanik peqatigitillugulu aamma akileraaruserineremi sulisunik tamakkuningga akileraarusersuinerup pitsaassutsikkut qaffassaaviginissaanik siunertaqarpoq. Alcoa-mik ingerlatilersinnaasassamut aammalu atortussiassalerinermut atatillugu qularnanngilluinnartumik sulisunik “angalasunik”, tassalu piffissap ingerlanerani nunat arlaanni, piffissamilu allami nunami allami piffissamilu allami nunami aamma allami sulisunik atorfinititsisarnissaq pisariqartinneqassaaq. Tamatumani misilittakkat malillugit maani nunailu allani akileraaruserineremi oqartussaasut sulisunut taamaattunut, nunarsuarmi assigiinngitsuneersinnaasunut, tunngasunik akileraaruserinikkut suliat ajornartorsiutigisartussaassavaat, ilaatigut tamakkua oqartussaasunitsaafffiginnissutinut amerlasuutigut qisuarialeqquttunik nali-gisarsiunngitsunik uppermarsaasersuutit tunngavilersorniarneri oqartussaasunut amerlasuutigut ajornartorsiutaasarlni. Sulisut “angalasut” aamma akileraartarnermi oqartussaasut oqaatsitigut nassuaatinullu tunngasutigut annertuumik ajornartorsiortikkajuttarpaat. Akileraaruserivimmi sulisut ullumikkut innuttaasut kalaalisut qallunaatullu aammalu ilaatigut tuluttut sullisissallugit piorsarsimapput. Sulisoq nunami allamioq oqaatsit taakkua atorlugit

paasisitsinissaminut ajornartorsiuteqarpat, qaqtiguinnaq pineqartumik eqqortumik akileraartitsiniarneq iluatsisinnaasarloq.

Naalakkersuisut isumaqarput tamakkiisumik akileraarusiineq ajornartorsiutit nunami allamiunik sulisartunik, sanaartornermi illuqarfiiut nunaqarfiiullu avataanni sulisunik imaluunniit atortussiassalerinermermi sulisunik, akileraarusiiniarnermut atatillugu pinngorsinnaasunik pinngitsoortitsiniarnermermi naleqqunnerpaasoq. Ilisimatitsissutitut oqaatigisinnavaara taamatuttaaq Danmarkimi tamakkiisumik akileraarusiinermik periutsimik Nordsømi eqqussineqarsimasoq. Taamaattumik siunnersuut ajornartorsiutinik sulisunik taamaattunik akileraarusersuinermut atatillugu pinngorsinnaasunik aaqqiiniarnermermi kalaallit immikkut periusaattut oqaatigineqarsinnaanngilaq.

Naggataatigut inatsisissatut siunnersuut nassuaatitaalu innersuussutigaakka.

Taamatut oqaaseqarlunga Naalakkersuisut sinnerlugit siunnersuut Inatsisartunut suliarisanngortippa aammalu Akileraartarnermut Akitsuusiinermullu Ataatsimiitaliami suliarineqareernerani aappassaaneerutaasumik suliarineqartussanngorlugu.